

(لا يسمع وبالتالي لا يرد .. ويستتر في حديثه
مع التماثيل)

— انما أنت يا نادية يا نورة الجو .. تعالى ..
بيتك ومطرحك .. على الأقل تنظي لنا العيشة

أحمد : علام .. بتكلم مين ؟

علام : (يتحدث الى نفسه) حلو يا اولد يا علام

تستحق تماثيل وبالجم الطبيعي ..
(يدخل احمد)

أحمد : تكلم نفسك يا علام ..

شئ عظيم .. يعنى وصلت .

علام : انت بتكلم نفسك كثير .. والناس كلها فى البيوت

والشوارع وفى المواصلات وعلى الزراعية وفوق
السطوح .. نازلين حديث مع أنفسهم .

أحمد : عندك حق .. منولوج داخلى ..

دوامة الكلام .. من بره ومن جوه ..

علام : على الأقل انا اكلم التماثيل ..

بالك .. بيسمعوا .. عارفين وحاسين بكل
حاجة ..

صحيح مايردوش .. لكن سامعين ..

احمد : ده كلام كبير .. فنانيين ونقاد عظام

علام : كلام من القلب

ونروح بعيد ليه .. احنا طول عمرنا مع بعض ..

متربيين ولاعبين واحنا صغار ..

وياما عملنا تماثيل من الطين ..